

清
史
稿

列女傳三之四

第一百二十五冊

列女三

韋守官妻梁

歸昭妻陸

昭弟繼登妻張

羅仁美妻李

仁美弟妻劉妾梅李等錢應式女

王氏三女

沈華區妻潘

陳某妻伍

孫譚妻顧等

洪志達妻葉

羅章袞妻杜

章袞姪羣聘妻田等

王磐千妻顏

何大封妻阮

方希文妻項

廖愈達妻李

葉芊妻張謝

姚文璠妻劉

毛翼順妻陳

王三接妻黃

劉瑛妻邢王躋聖妻韓等

程顯妻朱

劉元鑑妻吳妾朱

應氏婦

平陽婦

殷壯猷妻李

楊昌文妻袁

譔日昇妻陳

陳某妻萬

林應維妻莫

梁學謙女吳師讓妻某黃某妻李

文秉世妻梁

文氏女

何氏女

文樞妻陸

王氏三女

陳心俊妻馬

郭俊清女
張問行妻楊

張聯標妾傅

林乾妻程

楊應鸚妾佟

黃居中妻吳

胡守謙妻黃

沈棠妻俞

陳得棟妻蔣等

汪二蛟母徐

妻戴章壽妻徐

黃嘉文妻蔡

徐明英妻吳

長清嶺烈婦

韓昌有妻李

馬雄鎮妻李

妾顧等

沈瑞妻鄭

傅璇妻黃

劉岷妻張

妾吳及二女楊
天堦妻關及二女

烏蒙女

劉亨基女

滕士學妻滿

向宗榜妻滕

滕作賢妻楊

滕家萬妻黃

高村婦

陳世章妻朱

薛中傑女

傅瑛妻周

任寨村二十烈女

王自正妻馬

强逢泰妻徐

陳方振聲妻唐

寶豐二婦

戴鈞衡妻李

妾劉

陳吉麟妻周

凌傳經妻楊

秦耀曾妻畢

曹士鶴妻管

謝石全妻廖

曾石泰妻黃葉金題母

石時稔聘妻劉

章瑤圃女

戴可恆妻朱

金福曾妻李

張福海妻姚

邵順年妻伊

順年弟順國妻

陳某聘妻鄧

胡金題妻俞

王氏女

鄭德高妻阮

方其蓮妻阮

周小梅妻湯

楊某妻沈

周世棣妻胡

蔡以瑩妻曹

妾馬

王永喜妻盧

劉崇鼎母張

武昌女子

滄州女子

費某妻吳

冷煜瀛妻盧

陳兆吉妻余

蔡法度妻簡

張守一女

王占元妻楊

王秉堃女

魏克明女

劉慶耀妻廖

歐陽維元妻曹

黃氏女

程氏女

韓肖朱妻鄒

張醴仁妻王

許氏女

楊某妻吳

康創業妻邱

李鴻業妻谷邱

王有周妻楊

子漢連妻張漢元妻

張金鑄妻段

王氏二女

馬安娃妻趙

王之綱妻李

穆氏女

張某妻蔡

程丁兒妻黃

趙貴賜妻任

楊貴陸妻劉

多寶妻宗室氏

子英倫妻

公額布妻

音得布女

良奎妻

連惠妻

根瑞妻

松文母吳

姚叶敏妻耿

陳某妻殷

黃晞妻周

鄒延玠妻吳

陳生輝妻侯

田一朋妻劉

蔣世珍妻劉

王有章妻羅

有章妹

樓文貴妻盧

沙木哈妻

鄭榮組妻徐

張翼妻戴

詹允迪妻吳

蔡以位妻孫

楊春芳妻王

王尊德妾唐

竇鴻妾郝

章學閔妻董

杜聶齊妻何

張氏婦

甯化二婦

韋守官妻梁長清人明季饑女未行從父流轉河南婢於富室及笄主爲擇婿
梁泣言幼嘗受韋氏聘死不敢別嫁主使求得守官守官迎以歸已而守官卒
家人欲使別嫁梁自沉大清河救不死乃自治棺曰有欲娶我以此畀之家人
不復言寇亂匿棺以免順治二年師南行過其村梁懼積薪於戶下舉火乃入
棺自焚死

歸昭妻陸弟繼登妻張昭崑山人陸張皆太倉人昭仕明爲監紀順治二年死
揚州繼登爲教諭長興民亂戕焉二婦未得問崑山兵起舅姑避于鄉舟迎二

婦二婦不果行師至城閉城西礮如雷二婦夜登樓環坐諸兒女酌酒戒積薪樓下城破則縱火一老僕進謂城破當兵衝慮不及死城北比邱尼故與主母善菴後有池倉卒可得死從之城破兵掠菴張入池陸視其女一卒前犯陸力拒被二矛仆又亂箠之乃絕張以水淺不卽死兵去潛視陸陸亦蘇乃與尼共掖起之兵復至張輒避諸池一卒索得張欲執以去張力拒見殺陸創重卒

羅仁美妻李仁美揚州人失其縣李龍游人家揚州廣儲門師下揚州李方娠積薪所居樓下呼諸婦曰願死者共死母辱於是姒劉仁美妾梅李前室女宦姑及諸婦從李登樓凡十二人呼婢菊花舉火前室子哭從李俱上李顧見啓牖呼仁美擲兒下仁美負母手挈兒哭出巷回首見黑烟出瓦隙火合樓摧聞屢聲沸火中仁美行遇兵僅得脫兵去發樓燼拾殘骸惟菊花遺肢衣可辨乃叢葬十三人西華門外同時錢應式女淑賢丹徒人聞城破數自殺未絕雨甚門外萬馬聲比屋殺人火四起淑賢以紙漬水塞口鼻持父手壅其氣父手悸不能舉又解衣帶强母使縊母哭走出聞足擊牀閣閣入視已絕

王氏三女金壇人其二爲同產其一爲羣從姊妹年皆十六七以往師下江南諸州縣盜群起王氏避長蕩湖晝延緣葦間夜復其居一日盜至刦三女子縛置筏上三女子號泣跌蕩筏覆三女子死焉賊十數輩亦溺明日尸浮水上縛盡弛三女子攜手髮相縻亂中無棺得故篋三重以斂墓于湖濱墓木枝葉皆三相樛

沈華區妻潘海寧人居硤石順治二年六月舉人周宗彝起兵硤石八月望師宵乘北關破之華區與潘皆被俘過南市橋潘睨水欲自沉華區密止之曰汝死兵且殺我潘乃語兵我從汝去願得釋我夫兵釋華區驅潘入舟舟行十八里至王店水次觀者方集潘忽躍起曰我硤石沈華區妻義不任受辱奮入水兵驚捽其髮出水潘力自沉髮斷繫以繯益力自沉繯絕如是三兵以刃舂其喉遂死師中有裨將歎其烈出千錢爲斂

陳某妻伍華亭人師下松江陳家璜溪兵至斧陳首伍奔救兵舍其夫而繫之伍曰毋縛我我從汝去將登舟躍入溪死當時死于溪者諸生孫諤妻顧徽州

商孫氏之媼

洪志達妻葉歛人順治二年徽州初定盜賊所在多有志達偕葉避兵淳安鄭家村明年二月村人譁言兵至志達與葉倉皇走匿草中游騎過自草中曳葉出志達習拳勇有力踴自草中奮擊一騎仆衆騎拔刀赴志達志達徒手與鬥衆騎且仆且起環射之矢中志達曰貫腦死葉抱尸慟衆騎挾之行葉輟哭馬行漸緩度懸崖葉曰勿持我急我自能乘賊信之遂縱馬向崖衆騎自後從之葉自馬上擲崖下死淳安人言其死且爲神爲之祠焉

羅章袞妻杜羣聘妻田淳化人羣聘章袞從子也皆早卒順治三年寇至城破杜指牆間井語養女淑明淑儀曰此吾曹死所也遂入井淑明淑儀相向哭從之下田與杜連牆居聞哭呼其女優姐亦趨井死先一年縣兵譟變章袞姪女寶芳墮樓死寶芳有從姊雁珠明崇禎間死寇寶芳方在娠其母夢雁珠偕一女至謂唐奉天寶烈女也故命曰寶芳旣長嫁三原房大猷其死後雁珠十七年俱以正月十五日死死時年俱十八鄉人合前後稱七烈

王磐千妻顏江西安福人順治三年遇寇紆其臂索賄顏詔曰此手乃爲賊執耶投水死何大封妻阮無爲人早寡有授物誤觸其手者引刀斷指血濺尺許方希文妻項名淑美淳安人順治三年明潰師掠縣希文携家避兵西坑以妾子病謁醫兵驟至縱火火將及婢請項出避項曰出死于兵不出死于火死同死火不辱若能死則從不能亟出希文故有藏書項積書左右坐其中火及書燼項殉焉

廖愈達妻李妾汪張泰寧人李讀書通大義教二妾章句愈達從外歸聞李疏仁字教二妾語諄諄愈達入而笑李正色曰志士仁人有殺身以成仁毋求生以害仁順治三年愈達將妻妾避兵或傳崇禎十七年京師破時簡討汪偉與其妻耿殉國事李以告二妾相持而哭師漸逼愈達與妻妾夜走南石砦師至攻砦愈達率妻妾避砦口或呼師自砦後入李即從砦口展手投崖下愈達挈二妾匿巖石中搜山兵至張亦投崖死愈達出金遣兵去汪堅持愈達衣伏其後頃之遙見師中出裨將朱纓窄袖指揮從卒巡山汪大哭曰君善自保亦投

崖激于石身裂若支解師退愈達及諸同避砦中者皆得脫葉芊妻謝寧都人
六年冬十月明將揭重熙等以師赴南昌駐寧都兵掠得謝部曲將悅其色問
家世謝從容具以對因乞得沐浴部曲將許之遂入室以鬚鬢刀自搥其喉死
姚文璠妻劉名滿福清人文璠鬻香于市順治三年海寇至索錢無所得截文
璠首去滿昇尸還舐血縛布綴於頸歛畢乃言曰我恨不能手刃賊獨以死報
君首觸棺仆久之甦請以兄公子爲後盡鬻衣珥營葬越三年清明上冢歸屑
金咽之死毛翼順妻陳亦福清人順治四年翼順死于寇昇尸還血溢于鼻陳
舐血歛畢不食七日自經

王三接妻黃曹縣人三接官汾西知縣黃侍姑田家居順治五年李化鯨亂破
城姑婦皆被執黃語賊曰釋我姑我與金帛惟爾欲賊釋其姑黃度姑行遠乃
罵曰吾家清白吏安有厚藏吾名家女命婦豈肯從賊有死而已賊磔之當時
爲賊殺者劉琰妻邢等九人投水死者王躋聖妻韓等七人

程顯妻朱新建人明宗女也以其姪爲子婦順治五年金聲桓爲亂顯自南昌

將家人入山道遇兵相失或傳顯已死朱謂子婦翁死吾不獨生汝奈何婦曰死耳朱縊樹上已絕兵救之甦復觸樹死婦亦起觸樹兵前持婦婦齧其指奪刀自剄死劉元鏜妻吳妾朱南昌人元鏜亦將家人避兵兵及棄抱中兒道旁廁而走吳伏溝草朱爲兵得繫以行經溪躍繫絕兵斫其頰死吳出草行數十武遇鄰媼脫簪求扶持兵復至吳握髮仰天號曰夫邪子邪吾其死邪兵挾刃逐之行赴陂死是役諸女婦死者至衆靖安舒調熙妻朱救夫豐城熊嗣蕃妻胡及從子有恆妻沈從夫救舅皆死而新建徐文璠妻朱割乳斷首進賢胡永益妻胡刃出背死尤烈

應氏婦鄞人貧行乞順治六年海寇至匿郭東廟寇欲汙之堅不從既仍僞諾出廟將入井寇復牽以入終號泣不就死亂刃

平陽婦不知其姓氏順治七年姜懷亂爲其徒所掠過定州唐城村刺血題詩于壁並爲序自述略言明月在天清水在旁得自盡于此上不媿父母次不慚媚庶幾與水同清與月同明遂自經死

殷壯猷妻李豐潤人順治中壯猷爲臨藍參將十一年孫可望攻臨藍壯猷築城以守圍久不解出戰死李以印畀次子質揮使出避而與長子文自剄死楊昌文妻袁安義人或曰建昌人順治間兵亂父母迎袁歸袁不可曰棄姑避兵不義兵至伏地請死斫數刃去家人歸努目問姑無恙乎曰無恙乃瞑諶日昇妻陳高安人順治間金聲桓亂爲兵掠挾上馬力拒中八刃剖心斷脰刳孕死陳某妻萬萬縣人康熙間譚宏亂被執殺其懷中子萬詭言家有藏鏹賊使其徒從以往過懸崖奮起擠賊墮亦自投死

林應雒妻莫梁學謙女吳師讓妻某黃某妻李皆新會人應雒學謙師讓皆諸生順治十一年明將李定國攻新會城守閱八月食盡殺人馬爲食莫代姑梁女年十一代父黃李代夫皆死李之死兵持首還其夫使塋焉

文秉世妻梁鬱林人李定國掠州梁爲兵掠迫上馬梁哭據地罵兵殺之越二日秉世得其尸目未瞑也文氏女兆祥文樞妻陸灌陽人定國兵至姑嫂避火星山箐中兵入自殺何氏女昭平人是歲師遂定國避兵思庇冲或迫之死王

氏三女長亥娘次竹姑次酉娘博白農家女康熙十九年避寇宴石巖寇攻巖姊妹皆投崖死

陳心俊妻馬伏羗人年十九寡順治初流寇據城其渠聞馬有色遣人強致之馬居樓上揮雜器物擲樓下厲聲叱其人曰白若渠欲強污我惟有頭可斷耳渠聞亦愕曰烈婦烈婦卒得免郭俊清女蓮姑巴州人嘉慶二年九月教匪破城掠以去女罵不絕賊褫其衣罵愈厲殺之書其背曰烈女尸張問行妻楊秦州人同治間回亂破其堡楊遣二子行持廚刀倚扉罵賊賊斃其口至耳際罵猶不已遂死賊舉扉掩其尸書其上曰此張監生妻楊烈婦母損其尸

張聯標妾傅泰順人聯標爲羅陽知縣傅從年方笄山寇破縣被執賊渠令其徒百方誘之不從一夕擁至渠所諸賊執刀夾左右怵以死終不屈乃縊殺之林乾妻程漳浦人有殊色康熙元年縣有劉暢者爲盜馬婆山掠程至將污之不從使佗婦惹之曰我曹已至此即完節誰復能信程曰吾自行吾志非求人信豈能效汝曹無恥耶暢殺之

楊應鶚妾佟奉天人應鶚官貴陽同知吳三桂叛檄署官應鶚力拒乃置諸順寧師將入滇郭壯圖使殺之應鶚罵使者佟曰大丈夫當毅然引決無戀戀如兒女子我請爲公先不使公遺憾遂縊應鶚亦縊

黃居中妻吳居中失其里貫吳豐順人廣東饒平鎮總兵六奇女也康熙中居中爲蒼梧教諭十三年孫延齡叛梧州戍兵應之入其室吳曰封疆之事固知非若曹所能若曹其俘我乎我將待之奮擊殺二人自伏劍死

胡守謙妻黃閩人守謙武舉當耿精忠叛守謙投書城外言賊必敗狀爲守者所收送郊外殺之黃請代不許乃求得守謙首綴於尸葬畢自具棺衾飲藥死沈棠妻俞莆田人年十八美耿精忠兵至執俞並及棠俞計脫棠乃抗賊賊威以刃就刃迫以火赴火幽之遂自縊賊磔其尸同時福清陳得棟妻蔣陳雲元妻周皆爲賊磔莆田林振先妻鄭支解永安黃尾四妻鄭劄孕貴溪傅護妻薛剖腹臟腑盡出

汪二蛟母徐妻戴開化人康熙十三年耿精忠兵入浙江境開化陷二蛟及母

妻行避賊賊至縛二蛟驅其母妻以行行過大澤戴厲聲曰得死所矣徐應曰待我賊持戴袖戴絕袖抱子自投澤中徐與俱下二蛟大呼縛盡絕亦赴水死後二年開化復陷劉章壽妻徐爲賊渠所得置樓上令兩卒爲守婦陽謂守者事已至此幸語若主欲婚我當具禮卒告渠渠盛服佩刀上婦迎坐解刀置案上復陽言奈何不爲我具衣飾渠諾而下婦取刀弄之拔出鞘忽引自刺守者前奪刀婦揮刀斷其臂遂自剄渠裂其尸

黃嘉文妻蔡名慧奴黃巖人康熙十三年耿精忠之徒陷黃巖明年師復黃巖以黃巖民嘗麗賊俘焉蔡及其子女屬杭州駐防將將豔蔡欲以爲子婦九月壬申將召蔡喻指蔡取壁間刀自剄死將投其尸於江時軍中得俘輒責金贖嘉文方求金杭州至則蔡已死乃贖子女還蔡父行求蔡尸十二月丙子風作江潮涌蔡尸乃出距蔡死九十有九日嘉文還言子女得贖正同日

徐明英妻吳名宗愛字絳雪永康人宗愛幼慧九歲通音律十餘歲即能詩善寫生間作設色山水明英卒康熙十三年耿精忠將徐尙朝攻處州略金華六